



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ
SEKTOR ZA TRANSPORT I KOMUNIKACIJE

PRILOG 32.1.1.

Udruženje međunarodnih špeditera
710000 SARAJEVO, Branislava Đurđeva 10
Tel: (++387 33) 566 174, Fax: (++387 33) 566 176
e-mail: sped@komorabih.ba, www.komorabih.ba
- Odbor Udruženja -

Broj: 03-03-4-270/25-2
Sarajevo, 07.05.2025. godine

Na osnovu člana 17. Poslovnika o radu Odbora Udruženja međunarodnih špeditera, raspravljajući o Prednacrtu Odluke o dopunama Odluke o troškovima pregleda robe izvan mjesta rada i izvan radnog vremena carinskog organa, objavljenom 24.4.2025.godine, na portalu eKonsultacije, i pozivajući se na odredbu člana 7. Zakona o Vanjskotrgovinskoj komori Bosne i Hercegovine ("Službeni glasnik BiH", broj 30/01 i 72/13), odbor Udruženja međunarodnih špeditera Vanjskotrgovinske komore Bosne i Hercegovine, na svojoj 32. elektronskoj sjednici, jednoglasno je usvojio sljedeći:

ZAKLJUČAK

I

U Prednacrtu Odluke o dopunama Odluke o troškovima pregleda robe izvan mjesta rada i izvan radnog vremena carinskog organa, objavljenom 24.4.2025.godine, na portalu eKonsultacije, u članu 1. iza točke h) dodati novu točku i) koja glasi:

- „ i) Odobrena skladišta za privremeni smještaj (neovisno da li je odobreno kao zasebno ili u prostoru javnog carinskog skladišta tipa A) i odobreno carinsko skladište kod smještaja u navedena skladišta i razduženja tog smještaja pošiljki koje prenose nositelji AEO odobrenja.“

II

Obrazloženje: Shodno odredbama člana 7. stav 2. Zakona o carinskoj politici u BiH ("Službeni glasnik BiH", broj 58/15), Odluke o provođenju Zakona o carinskoj politici u Bosni i Hercegovini („Službeni glasnik BiH“ broj 13/19, 54/19, 21/20, 47/21, 49/21, 4/22, 6/23), te Uputstva o postupku odobravanja statusa ovlaštenog privrednog subjekta (AEO) ("Službeni glasnik BiH", broj 57/22), privredni subjekt može koristiti olakšice u pogledu carinskih kontrola, koje se odnose na sigurnosno relevantne provjere i/ili pojednostavljenja koja su predviđena carinskim propisima. Također, predviđena je i mogućnost da se kontrole mogu obaviti u drugom mjestu koje nije mjesto na kojem se roba predočava carinskom organu, ukoliko je carinski organ suglasan.

Uprava za indirektno oporezivanje Bosne i Hercegovine bi, kao organ koji je zadužen za provođenje programa AEO, promovirala isti i dodatno osnažila partnerski odnos s privrednim subjektima u BiH, posebno imajući u vidu da Vanjskotrgovinska komora BiH u suradnji s Upravom organizira edukaciju "Ovlašteni privredni subjekt–AEO i uticaj AEO na carinska pojednostavljenja" za sve zainteresirane članice Vanjskotrgovinske komore BiH.

III

Zadužuje se Sektor za transport i rukovodstvo Vanjskotrgovinske komore BiH za daljnje postupanje po ovom Zaključku, a u skladu sa aktima Vanjskotrgovinske komore BiH i Udruženja.

Predsjedavajući:

Željko Predojević, s.r.